

» autant de poine eut quasy comme une âme dampnée, et  
 « plusieurs le virent ; puis viij jours après la dicte entrée, n'a  
 « faict aultre chose, de faire comptes, et tellement qu'il a faict  
 « plus de LXV journées pour la dicte entrée. — Et mainte-  
 « nant, après qu'il a prou attendu, à grans poines, on luy  
 « a ordonné, pour sa poine, travail à totalle charge,  
 « aultant, au moins, que à ceux qui besoignoient à journées.  
 « Et tout le monde crioit et disoit : « *A, à ! Jehan de Paris*  
 « *sera riche à ceste fois !* » Et lui-mesme pensoit que sa  
 « science lui donneroit sa vie. Et, par sa foy, la despense  
 « qu'il a faict durant la dicte entrée, monte XVij ou XVijj  
 « francs pour son ménage : or, regardez comment et combien  
 « il gaignera avec vous ! Et quant il s'en plainct, les gens  
 « sont tous esbahis et sont honteux, car ils ont veu la poine  
 « grande et soucy dudict supplient. Et, pour abréger, le dict  
 « supplient vous prie et requiert, en l'amour de Dieu, que la  
 « science lui vaille, et, a tout le moins, si vous povez faire  
 « soixante francs, faictes que il les aie. Il ne vous demandit  
 « jamaiz rien que à ceste heure, et, par adventure, ne vous  
 « demandera plus.

« D'aultre part, il n'a esté jamais refusant au service de la  
 « ville, mais tous jours prest de obéir au mandement, comme  
 « il fut V ou Vj jours, avec le Cappitaine, pour tirés la ville du  
 « costé de Saint Sébastien, quant on parloit de faire les murs  
 « en hault ; secondement, que jamais ne fust païé de l'entrée  
 « du duc de Savoie ; tiercement, quant l'avez faict appeler pour  
 « aller voir le lieu pour faire *l'ospital aux Deux-Amans*, et  
 « assez en d'aultres choses, dont il n'eust jamais gage ni argent.  
 « Mais il n'oublie pas le *gratis* que vous aultres, Messesseurs,  
 « lui avez par cy-devant faict, touchant le *guet et la porte*  
 « (La garde des portes). Néanmoins ce, la povreté en quoi il  
 « est, par faulte d'estre païé de ce en quoi il se travaille, a  
 « esté cause et est contrainct vous faire une telle supplication